

Powšitkowne WOZJEWJENJA

njedźelu, 20. februara 2022

Wusyłanje Božemu mšow

Serbskorěčnej Božej mši móža wěriwi tutu njedźelu, 20. februara, znowa jako livestream w interneće sčěhować. Jedne kemše přenjesu so we 8.30 hodź. z Kulowskeje, dalše w 9 hodź. z Chróšćanskeje cyrkwe. Linkaj na nej stej w interneće pod www.posol.de a na wosadnymaj stronomaj podatej.

Dalekubłanje za cyrkwinskih hudźbnikow

Drježdžansko-Mišnjanske biskopstwo přeprašuje čestno- a nimohamtskich cyrkwinskih hudźbnikow na dalekubłanje do Smochčanskeho kubłanišća swjateho Bena. Wone wotměje so wot štwórtka do njedźele, 3. do 6. měrca. Přizjewjenja přijimuju hač do tuteje njedźele, 20. februara, online. Link k stronje z dalšimi informacijemi kaž tež móžnosću so přizjewić, je pod www.posol.de podaty.

Serbske kemše w Drježdžanach

Drježdžanscy Serbja su na maćernorěčnu Božu mšu njedźelu, 6. měrca, w 16 hodź. přeprašeni. Wona wotměje pak so tónraz w cyrkwi Jězusoweje wutroby w Drježdžanach, Borsbergowa 15/17. Hač do jutrow přewodža tamnišu wosadu křižowy puć serbskeje wuměłce Isy Bryccyneje. Do a po kemšach wobsteji móžnosć, sej jón wobhladać a so při někotrych stacijach pomodlić. Tež dalši Serbja z Łužicy su witani. Aktualne postajenja pandemije maja so wobkedźbować.

Ekumeniski póstny seminar w Smochćicach

„Zhromadnje w šmjatańcy – Lokalne wotmołwy na globalne prašenja“ rěka hesło lětušeho ekumeniskeho póstneho seminaru, kotryž wotměje so w Smochčanskim kubłanišću swjateho Bena. W srjedžišću steja wužadanja kaž škit klimy, žiwjenje na kraju abo přichod cyrkwe, „z kotrymiž měli so radšo wčera hač džensa zaběrać“, wuchadza ze zdźelenki domu. Planowane su štyri zarjadowanja, kotraž wotměja so přeco pónđzelu. Započatk je stajnje w 19.30 hodź. Prěni referenca 7. měrca, – mjez nimi dr. Gerd Lippold, statny sekretar w sakskej ministerstwje za energiju, škit klimy, wobswět a ratarstwo, kaž tež Thomas Hörtinger, prokurist firmy LEAG w Choćebuzu – wěnuja so temje „Zhromadnje swět wuchować“. Dalšej přednoškaj budžetaj 14. a 21. měrca. Lětuši rjad póstnych seminarow zakónči so 28. měrca z filmowym wječorkom.

Zetkanje samostejacych

Samostejacy ze serbskich wosadow su na swoje přichodne zetkanje wutoru, 22. měrca, w 14 hodź. do Smochčanskeho kubłanišća swjateho Bena přeprašeni. Zajimcy njech so prošu hač do wutory, 15. měrca, w redakciji Katolskeho Posoła přizjewja, telefonowe čisło (0 35 91) 55 02 12. Tež dalši zajimcy su wutrobnje witani. Kóždy njech sej prošu Wosadnik a nahubnik sobu přinjese, wšako maja so hygieniske předpisy kubłanskeho

domu dodžeržec. Štóż chce wotewzaty być, njech to prošu zdžěli. Wobkedźbować ma so tohorunja, zo płaći za zetkanje regula 2G. Wobdželić móža so jeničce pře koronu šćěpjeni a wot njeje wustrowjeni.

Přednošk k rěči wobrazow

We wobłuku Smochčanskeho jewišća přeprošuje tamniše kubłanišćo swjateho Bena wšitkich zajimcow sobotu, 5. měrca, w 19.30 hodž. na přednošk wo wuměłstwje žanrowych mólbow. Wuměłstwowa historikarka Marianne Risch-Stolz přednošuje k temje „Rěč wobrazow – Namakanki w nižozemskich žanrowych mólbach. Zastup je darmotny. Zarjadowanje wotměje so pod płaćiwymi koronowymi postajenjemi. Přistup maja jeničce wot korony wustrowjeni a pře nju šćěpjeni, kotřiž pak trjebaja přidatnje oficialny dopokaz, zo su negatiwnje na nju testowani (regula 2G+). Wuwzate su wosoby z třecim šćěpjenjom (boosterom).

Digitalne eksercicije misionarow oblatow

Čłonojo Hünfeldskeje oblatskeje swójby přeprošuja w póstnym času na digitalne eksercicije we wšědnym žiwjenju. W srjedžišću steji pječ čłowječich zmystow. Wobdželnicy dóstanu jónu tydžensce impuls k čitanju abo sluchanju. Tohorunja jónu wob tydžerń wobsteji składnosć, so přez platformu Zoom w małych skupinach zetkawać a so wo impulsu, swojich myslach a nazhonjenjach wuměnjeć. Kóždy pónđzelu wječor – potajkim 7., 14., 21. a 28. měrca kaž tež 4., 11. a 18. apryla, – stajnje w 19.30 hodž. su wšitcy na onlinowy nyšpor „Spätschicht“, přeprošeni, kotraž wotměje so tež přez Zoom. Štóż nochcył tule platformu wužiwać, móže so telefonisce na eksercicijach wobdželić. Přizjewjenja přijimuju online. Link k tomu kaž tež k stronje z nadrobnymi informacijemi je pod www.posol.de podaty.

Zajimowanym poskića zdobom wšědny impuls přez powěšćowy kanal WhatsApp. Štóż chcył jón dósatwać, měł so tohorunja za njón přizjewić, a to z powěšću „Impulse starten“ na mobilne čisło 01 51 28 37 23 24.

Eksercicije w póstnym času

Pod hesłom „Harmoniju začuwać“ přeprošuje Budyski klóšterk klarisow tež lětsa zaso na eksercicije we wšědnym žiwjenju. W tydženskich zetkanjach, kotrež wotměja so stajnje wutoru wot 19.00 do 20.30 hodž. na žurli Jandželoweho domu klóšterka, zhladuju wobdželnicy mjez druhim na sebje samych, na sobučłowjekow kaž tež na žiwjenje a smjerc. Pozadk tutech eksercicijow twori slónčna pěseń swjateho Franca Assisiskeho. Přenje zetkanje budže wutoru, 8. měrca, dalše 15., 22. a 29. měrca kaž tež 5. a 20. apryla. Po potrebjce wutwori so druha skupina, kotraž zetka so stajnje pónđzelu wot 15.30 do 17.00 hodž. na samsnym městnje. Přizjewjenja přijimuju klarisy telefonisce pod čisłom (0 35 91) 21 10 83 abo z mejlku na klarissen@gmx.de hač do popjelneje srjedy, 2. měrca. Zdobom wone na to skedźbnjeja, zo płaći regula 3G. Wobdželić smědža so potajkim jeničce z korony wustrowjene, pře nju šćěpjene a aktualne na koronu negatiwnje testowane wosoby.

Akciji za pory a swójby w póstnym času

Džěłowa skupina za katolske swójbne kublanje (AKF) přeprošuje pory a swójby k wšelakim akcijam w póstnym času. Pod hesłom „7 tydženjow lóšo“ dawa AKF nastorki, sej čas mjez popjelnej srjedy a jutrami wědomje wuhotować. Za wobě cilowej skupinje maja tydženske póstne listy z nastorkami a impulsami spřihotowane. Nimo

toho steja přewodne teksty a předłohi za Bože služby k dispoziciji. „Runje w času koronoweje pandemije skići póstny čas dobre šansy, po wěrje zhromadnje žiwi być a ju reflektować“, rozłóži předsyda komisije za mandželstwo a swójbu biskopskeje konferency, Berlinski arcybiskop Heiner Koch. Kaž AKF zdžěli, su pory kaž tež swójbny z džěćimi zakładnošulskeje staroby z listami k rozdžělnym tydženskim temam pře-prošene, zo bychu sej swoje swójbne žiwjenje a partnerstwo z drugeje perspektiwy wobhladali a zaznawali. Zajimcy měli poskitk abonować, kotryž je darmotny. Linkaj k přizjewjenju za pory respektiwne swójbny stej pod www.posol.de wozjewjenej.

Bosćanowa wustajeńca w Kamjencu hišće přistupna

Wustajeńca wo česćowanju swjateho Bosćana w Chróšćanskej wosadze je hišće hač dosrjedz měrca w Kamjenskim sakralnym muzeju cyrkwy swjateje Hany přistupna. Boži dom je wot pónđzele do pjatka stajnje wot 10 do 16 hodž. kaž tež sobotu a njedzelu wot 11 do 16 hodž. wotewrjenej.

Pytaja wosobu za džěćacu pastoralku

W dekanatnym dušepastyrstwe za džěći a młodzinu we Worklecach ma so k přichodnemu móžnemu terminu njewobmjezowane džěłowe městno w pastoralce za džěći wobsadzić. Tydženski džěłowy čas wučinja 20 hodžin. Wuměnenja su mjez druhim nabožno- abo socialnopedagogiska kwalifikacija, zajim za žiwjenski swět džěći a swójbow, wobknježenje serbskeje rěče, zakładne znajomosće projektowego managementa, zwólniwosć, tež wječor abo sobotu a njedzelu džělać kaž tež přezjednosć z nadawkami, službu a žiwjenjom katolskeje cyrkwy. Pisomne požadanja přijimuje personalny wotrad biskopskeho ordinariata, Käthe-Kollwitz-Ufer 84, 01309 Drježdžany, hač do njedzele, 27. februara. Podložki móža so tež digitalnje zapodać, a to z mailku na bewerbung@bddmei.de. Link na nadrobne wupisanje džěłoweho městna nańdu zajimcy pod www.posol.de.

Pytaja sobudžělaćerku w recepciji

W Smochčanskim kubłanišću swjateho Bena ma so ručež móžno městno w recepciji znowa wobsadzić. Tydženski džěłowy čas wučinja 40 hodžinow. K nadawkam slušaja na přikład přijěće hosći, hladanje hoteloweho programa, naćisk poskitkow pod pozadkom trěbneho hospodarjenja a planowanje terminow. Wuměnenja su mjez druhim wukubłanje a nazhonjenja jako hotelowa fachowa móc, nazhonjenja we wobchadženju z rezerwowanskimi a kompjuterowymi programami kaž tež zwólniwosć kónc tydzenja a po potrebjě službu wukonjeć. Dalše informacije podawa rektor kubłanišća Sebastian Kieslich, docpějomny pod telefoniskim čisłom (03 59 35) 2 23 13. Pisomne požadanja přijimuje personalny wotrad biskopskeho ordinariata, Käthe-Kollwitz-Ufer 84, 01309 Drježdžany, hač do pónđzele, 28. februara. Podložki móža so tež digitalnje zapodać, a to z mailku na bewerbung@bddmei.de. Link na nadrobne wupisanje džěłoweho městna nańdu zajimcy pod www.posol.de.

Jězba w lěću za šulerjow 5. do 8. lětnika

Dekanatne dušepastyrstwo džěći přeprošuje šulerjow 5. do 8. lětnika w lětnich prózdninach na jězbu do Lückendorfa w Žitawskich horach. Wona wotměje so wot pónđzele do pjatka, 15. do 19. awgusta. Přizjewjenja přijimuja hač do soboty, 30. apryla, online. Link je pod www.posol.de podaty.